

毛

詩

原

解

毛詩原解卷三十四

閔予小子之什

自此至般凡十一篇

閔予小子遭家不造

叶

媯媯

熒

在疚

救

於乎皇考

叶

永

世克孝

叶

念茲皇祖

叶

聲

止

陟

止

庭

止

維予小子

叶

夙夜

敬止於乎皇王

叶

繼

序

思不忘

古序曰：閔予小子嗣王朝於廟也。○此成王旣免喪，而見於先王廟之詩。以下四篇成王守成之事，而詩多裁自周公，借祖考之靈，光訓嗣王，故告於廟。後世遂以登歌昭功德爲憲章，故皆爲頌。○一悲閔哉！

子遭皇考新喪。王業草創。嬛嬛失怙。在憂病之中。於乎皇考。終身克孝。以恩念皇祖。一陟一降。宛然見行事於家庭。今予小子嗣服。懼弗克孝。夙興夜寐。必恭敬止。於乎皇王。予亦欲承繼此序。不忘耳。○不造未就也。嬛嬛猶嘵嘵。無依也。庭宮庭也。皇王兼指祖考也。

閔予小子一章十一句

訪予落止。率時昭考。於乎悠哉。叶沛朕未有艾。叶涣將予就之。叶勤繼猶判渙。維予小子。未堪家多難。去招紹庭上下。叶商虎陟降厥家。叶同休矣皇考。可以保明其身。叶升

古序曰。訪落嗣王謀於廟也。○成王旣朝於廟而遠進羣臣以謀之也。餘見前。○軒作事。貴始予謀於始。率循昭考武王之道。於乎遠哉。聖凡懸隔。朕未能竟也。羣臣扶我遷就。以求繼述。猶判渙不合也。予幼冲無知。國家多難。未堪惟於朝廷。紹皇考上下之躋於家庭。奉皇考陟降之遺守。而無失休美哉。皇考庶賴以保安明覺我身。不至傾迷而已矣。○訪謀也。落始也。草木實落始生。故謂始爲落艾。終也。艾老則刈。故謂終爲艾。堪任也。多難。謂天下未平也。上下陟降。猶見於羹牆之意。

訪落一章十二句

微之敬之天維顯思命不易哉叶無曰高高在上陟降  
敏士叶日監在茲維予小子不聰敬止日就月將學有緝  
熙于光明叶芒佛叶時仔叶茲肩叶姜示我顯德行叶杭

古序曰敬之羣臣進戒嗣王也○朱子改爲成王述  
羣臣之戒非也蓋羣臣進戒王而王嘉納之其辭如  
此亦周公之志也餘見前○一章羣臣進戒若曰敬之  
哉敬之哉天道甚明命不易保無謂高遠在上人主  
一陟一降之事無日不監視于此奈何不敬王若曰  
維予小子不聰未能敬也願學焉日有所成月有所

進緝續純熙。至于光明爾。諸臣尚輔弼我所克任。示以顯明之德行。庶不迷所從耳。○厥士厥事也。將進也。緝續也。熙照也。佛弼通孟子所謂法家弼士也。仔克也。肩任也。任在肩。

敬之一章十二句

予其懲

叶拔

而毖後患。莫予弃

聘蜂

叶范

自求辛螫

釋善

蟄

允彼桃蟲

微叶拚

盤

飛維鳥。未堪家多難。

叶去聲

予又集于

蓼

叶了

古序曰。小毖嗣王求助也。○成王旣誅管叔武庚而訪於羣臣。亦周公之志也。初周公使管叔監殷管叔

以殷叛成王執管叔誅之悔其始使而公亦自悔也。故曰莽蜂求螫方武王誅紂宥其子入以爲孤雛耳。未幾挾徐奄諸國叛周公東征三年而後定此桃蟲之爲大鳥也。詩與康誥召誥皆裁自周公而此詩哀死之意微慮患之計深不如棠棣鴟鴞悲愴者彼公自言而此爲王言也稱小毖自謙求助之辭天下之慮未有不狃于小者餘詳前○一章予自今其懲創往事而識之後患乎人近蜂則被螫前日之事無人使蜂螫我我自求之今而後始信彼桃蟲之微果能翻飛爲大鳥也凡事始于微卒于巨可不毖哉予智識

短淺無克家定難之才又遭遇辛苦之地諸臣可舍我弗助邪○莽使也莫予言無人使我也辛苦之毒螯也肇始也允信也桃蟲小鳥鷦鷯也其雛化爲鶻鶻大鳥也拏與翻同集會遇也蓼草名其味辛苦

小序一章八句

載芟刪載柞叶其耕澤澤千耦其耘阻隰徂畛真侯主侯伯侯亞侯旅侯彊侯以有貪貪上聲其饁思媚其婦甫有依其士上聲有畧其耜上聲俶載南畝吳播厥百穀實函斯活忽叶驛驛其達特有厭其傑厭厭其苗綠綠其鹿襟

載穀濟濟涉有寶其積上聲叶萬億及秭子爲酒爲醴蒸昇祖妣以洽百禮有飫其香邦家之光有椒其馨胡考之寧匪且叶典茲有且匪今斯今振古如茲

古序曰載芟春籍田而祈社稷也○朱子改爲秋冬報賽之樂歌非也良耜爲報此篇爲祈卒章云邦家之光胡考之寧振古如茲祈之辭也與良耜卒章殊此援古以祈之彼續古以報之藉借也借民力治田也或曰典籍之田供宗廟之典籍也天子千畝諸侯百畝月令孟春天子以元日祈穀于上帝乃擇元辰親載耒耜帥三公九卿諸侯大夫躬耕帝籍此其祈

穀于社稷之樂歌也。噫嘻祈年于上帝。其辭簡上帝  
尊也。此詩祈年于社稷。其辭詳。社稷親也。噫嘻專爲  
民祈。此則因藉田併及民耳。○草木不除。則田不  
治。始芟以除草。始耘以除木。草木去而耕其土。澤然  
解散地廣。功多芟耘。耘治千夫合耦。或往下濕之隰。  
或往溝上之畛。主爲家長者。伯爲長子者。亞爲仲叔  
者。旅爲家衆者。有自治百畝之外。餘力來助爲彊者。  
有無常業。傭工爲以者。皆徂隰徂畛之衆也。人多飲  
食嗰然有聲。其婦來餉。其夫媚之。婦亦依士勞之勤。  
苦相恤也。以略然剗利之耜。始事南畝。旣耕乃播。其

實含氣而活驛驛然生長條連受氣厭足者傑然特  
出久之厭厭均足可以耘矣繚繚穗耘詳密至秋成  
載穫之人濟濟衆多其實積而萬及億億及秭爲酒  
醴進祖妣治合祭祀之百禮品物雖多禮主於酒醴  
然其香以供賓客是邦家文明之光也椒然其馨以  
養耆老是胡考所安寧也收成之繫於國家大矣非  
獨此一方有此稼穡之事非獨今日有此豐年之慶  
自古如此惟神降康無替引之可也○載始也除草  
曰芟除木曰柞澤澤猶釋釋土解散貌古澤與釋通  
耘卽芟柞也徂往也侯語辭復餘力也以備也噴衆

飲食聲媚依相慰勞也。略利也。百穀高下燥濕非一  
種也。寶種子也。函舍氣也。活生也。驛驛速達貌達出  
土也。厭足也。傑先長也。厭厭齊足也。綿綿詳密也。應  
耘也。耘不詳密則草漏而反傷苗。濟濟穰之衆也。鈔  
椒皆香也。胡頷下垂貌老人之狀考老也。且猶此也。  
亦甚之之辭。

載芟一章三十一句

叟叟測良耜叶。良耜叶。俶載南畝叶。播厥百穀。賓函斯活。忽或  
來瞻女汝。載筐及筥。其餽伊黍。其笠伊糾。叶其鑄斯耜。  
爪以薅蒿。荼蓼了荼。蕘朽止蕘。黍稷茂莫。止穫之。捆搣積

之栗栗其崇始墉其比如櫛以開百室百室盈止婦子

寧止殺時犧

淳

壯有捄其角

叶

以似以續續古之人

叶

古序曰良耜秋報社稷也○前篇祈年此有年而遂

報之○

一草叟叟然銛利之善耜春始事南畝以播百

穀其實含氣而生至夏而耘農夫在田婦子來瞻載

筐筥以盛餽黍農人首戴笠而糾以繩執其鋤鋤趙

然敏疾以薅蕘蕘之葵水草之蓼荼蓼朽則黍稷茂

至于秋收穫之搾搾有聲積之栗栗不狃積高如墉

比密如櫛開一族之百家同時以入穀百室充盈婦

子飽煖安寧孰非神賜乎乃殺黃黑之牡牛其角捄

然長曲以報享社稷似往歲而繢來歲使先農先穀之祭引之無替也○爰叟刃利入土之狀良快利也來瞻汝者婦子也瞻省視也方曰筐圓曰筥皆竹器以盛飯也喪大記云食于筭筭與筭同漢書所謂筭食器也餽餉同筭以蔽日禦雨糲以繩結之也鉛鋤也趙趨也急疾意躋去草也荼蓼草名陸曰荼水曰蓼田有高下也搘搘襍聲墉城牆也櫛理髮器百室一族也周禮五家爲比五比爲閭四閭爲族凡百家也百夫同洫而耕故同時納穀也黃牛黑唇曰犧犧角曲貌禮祭社稷牛角尺陰祀用黝牲謂祭妣及社

稷也社土神尚黃必黑唇者地色黑爲正黃爲美古之人先農先穡也

良耜一章二十三句

絲衣其紵浮載弁俅俅自堂徂基自羊徂牛鼎奈鼎及

鼒茲兜觥其觶旨酒思柔不吳革不教胡考之休

古序曰絲衣繹賓戶也毛公曰高子曰靈星之戶也

○此祈穀之祭繹而賓戶之樂歌月令季春天子薦

鞠衣于先帝鞠衣黃桑衣先帝太昊木德之君司穀

桑者薦衣祈穀也周禮內宰仲春詔后率內外命婦始齋于北郊此卽春祭薦衣祈穀之戶靈星龍星卽

房星。東方蒼龍之宿。蠶爲龍精。戶以象之。凡戶象神。神象物。綵衣戴弁者。戶服也。蠶爲綵。故衣綵。紝潔白也。象蠶色。蠶馬同氣。蠶首似馬。故快下曲貌。弁無曲者。象蠶形也。祭必繹戶。所以報也。大夫以下祭于室。卽日賓戶于堂。謂之儻。諸侯以上有室事。有堂事。祭之明日。賓戶于廟門外。謂之繹。繹者。天子賓戶之名。繹繩也。繹昨日也。又謂之祊門。內外曰祊。始祭迎神于廟門內。楚茨所謂祝祭于祊也。明日送戶于廟門外。春秋所謂卒已有事于大廟。壬午繹也。禮器曰。爲祊乎外。祊繹皆廟門外西塾。鬼事尚右也。古者門東。

西有堂室曰塾郊特牲曰繹之于庫門內祔之于東方失之矣庫門內失廟門外是也于東方失于西方是也庫門大門也廟門在庫門內左繹當在廟門外西塾也言繹又言賓戶繹者賓戶之名賓戶者繹之事也引高子語明所賓者蠻神之戶也漢有靈星祠蓋舉時人所知者證之鄭康成據士冠禮緣衣爵弁附合雜記士弁而祭于公之說以緣衣戴弁爲士俎堂基牛羊鼎爲省牲器夫繹禮殺于正祭牲牢器皿皆用祭之餘有司微云掃堂斂尸俎行禮非別殺牲先夕省視也果爾王親省則大小宗伯宜從豈越卿

大夫而用士乎。鄭云：繹禮輕，故用士。然則王又何必親省也？詩言自堂徂基者，卽少牢云：祭畢，尸出廟門外俟賓。天子明日賓，則昨日堂上之尸，今往賓于門基也。言自羊徂牛，鼐鼎及鼒者，牲鼎皆自堂往門，始祭牲入先，羊後少牢，徹故羊先出，而牛從之，鼐鼎大以烹牲體，鼐小以盛和羹，羹近尸，牲近外，故鼐先出而鼐從之。猶士虞禮，化者逆退，復位之類皆自堂往基之序也。兕觥以下，則祝願之辭。鄭以絲衣載弁爲助祭之士，朱傳改爲祭而飲酒，則序言繹賓尸與高子言靈星，皆無謂矣。夫衣食者民之命，農桑者國

之本三百篇農祭之詩多矣。蠶祭惟此一篇故聖人刪存之朱子謂序誤高子尤誤不自知其誤也。○韋一

昨日之祭爲蠶絲也。今尸賓來燕絲衣紵然潔白戴弁于首。依依然下曲。昨者爲尸于堂。今者爲賓于門。門基之燕自堂往也。昨者牲薦于堂上。今改設于門外。羊俎出而牛俎從之。大鼎出而小鼎從之。移堂上之尊罍以飲于塾。兒觥觵然其曲飲此旨酒。內思和柔無誼。譁傲惰之容德盛禮恭。宜得壽考之休矣。○韋二  
絲衣以絹帛爲衣。不用布也。紵潔白貌弁冠也。堂下曰基。天子臺門故謂門爲基。卽塾也。徂往也。羊牛牲

體也。自廟往門故曰徂。大鼎曰鼐。小鼎曰鼒。思柔溫  
恭之意。吳譁通大言也。胡考猶言胡考解見前篇休  
美也。

絲衣一章九句

於

烏鑠

王師

齊

遵養時晦時純熙矣

是用大介我龍

受之躋躋

蕡王之造

葉

載用有嗣實維爾公

句允師

齊

古序曰酌告成大武也

毛公曰言能酌先祖之道以

養天下也

○大武武王之樂春秋傳引武之卒章曰

耆定爾功卽武也其三曰鋪時繹思卽賚也其六曰

綏萬邦屢豐年卽桓也

武樂歌非一酌亦武樂春秋

傳作沴但未定第幾章耳序云告成大武寵受王造  
是武成也酌相時也晦則養熙則用時也時者天之  
運聖人之中聖人至公無私故道莫大乎時而用莫  
大乎酌毛氏因達養之語及養天下明武非力服也  
孟子曰以善養人然後能服天下天下不心服而王者未之有也○一於盛哉武王之師始而遵守恬養  
時方韜晦酌于紂惡未稔之先未嘗有利天下之意  
及時既純光人心同而天命集是用大介一戎衣有  
天下酌于時不可已又烏容有棄天下之意今我後  
人寵受此躋然壯烈之王造所以繼之者惟爾太公

無私信于衆心耳使自利自私拂天違時羣心不信  
何以長世永保乎○鑠盛也王武王介甲也大介猶  
大軍龍籠也蹻蹻武貌造爲也公無私也允信也師  
衆也

酌一章九句○三傳允師二字爲句朱子改爲八句。  
今從毛

綏萬邦屢慮豐年良天命匪解懈桓桓武玉保有厥士  
于以四方充定厥家介於鳥昭于天皇以閒有之

古序曰桓講武類禡也毛公曰桓武志也○按春秋  
傳此武樂第六章頌武王伐商講武類于上帝禡于

先戎也。凡天子將出征祭上帝曰類至所征之地祭始造軍法者曰禡武王伐紂告于天地鬼神武舞象之而歌以言其志在安民保士定家非利天下也。故曰武志朱子以詩稱武王爲疑夫講武類禡武王伐商時事而詩非伐商時作也周公爲武舞因爲歌歌非一章頌非一事武頌功酌頌成桓頌志賚頌賞殷頌巡行皆武樂也而作于成王世何得不稱謐既云綏萬邦屢豐年則詩非成于當年明矣。○我武王伐紂以萬邦毒痛將綏安之也民心悅而天意順屢獲豐年之祥非但一時蓋久不懈也當商紂暴虐

賢人播棄桓桓然武王能保有厥士用于四方克定其國家於乎其德上昭于天故君天下以伐商也○士賢士以用也用之四方謂列爵分土也皇君也閒代也

桓一章九句

文王既勤止我應平聲受之敷時繹思我徂維求定時周之命於烏繹思

古序曰賚大封於廟也毛氏曰賚予也言所以錫予善人也○按春秋傳此武樂第三章武王克商有天下大封將帥功臣四百人兄弟之國十有五人姬姓

之國四十人所謂齊也廟文王廟古者爵人必於祖廟示不敢專也○一章文王勤勞天下至矣我承受之布文王德意以大齊天下使人紬繹深思所以爲此維往求天下安定而已是我周新命非殷之舊政也於乎諸臣思文王垂創之艱體我祖求定之意庶大齊爲不徒耳○應承也敷布也時是也卽分封也繹尋思也徂往也

齊一章六句

於皇時周叶占陟其高山升墮安山喬嶽山允猶翕河叶霍敷天之下叶惄時之對叶時周之命叶

古序曰。般巡守而祀四嶽河海也。○舊以此爲朝會祭告之樂歌非也。篇名般盤通行遊也。書云盤于遊畋。嫋嫋勃窣行路之貌。天子巡守按節徐行故謂之般興武酌桓賚并目亦武樂之一章耳。武樂各章殊事而此爲巡行之事。樂記所謂四成而南國是疆者也。若朝會祭告之樂時邁具已。或云頌成王則不應篇名與武酌等同例也。○幸於乎君哉是周也。其巡守所至登其高山及隨然狹長之小山與喬高之四嶽。凡山阜丘陵出雲氣爲風雨者皆祀之以誠允之心謀猶翕合之河而祭之徧天之下山川之神皆如

是裒聚對越此我武王革商以後一代之新命也○  
皇君也時是也墮山山之狹而長者允誠也猶謀也  
如載謀載惟之謀謀其禮也翕合也河受衆流謂之  
翕河禹貢播爲九河同爲逆河注曰同合爲一大河  
名逆河卽翕河也敷徧也裒聚也對對越也

般一章七句○酌以下四章皆武王詩次成王後者  
武樂或定于成王之季年也

毛詩原解卷三十五

郝敬習

魯頌

魯少昊之墟在禹貢徐州蒙羽之野成王以封周公長子伯禽謂周公大造王室文武至親葬祭禮樂使得儼王者及周衰諸侯放恣魯承先緒浸淫不軌至僖公用郊三望漸及大夫歌讌家臣享祀魯之不法甚于諸侯由僖公始也僖公薨成公朝季孫行父立武宮比天子世室謂僖公有文德請于周爲作頌興廟樂駉以下四篇皆其樂歌也禮天子作樂賞諸侯

德盛教尊。五穀時熟。然後賞以樂。諸侯自作樂。頌功  
德。僭也。故夫子刪詩。削魯風。魯不以諸侯自處也。正  
樂存魯。頌魯以天子自居也。非天子而有頌本。諸侯  
而無風。誰毀誰譽。斯民也。三代所以直道而行。故詩  
先春秋者也。詩亡。然後春秋作。詩直其辭。而美刺見。  
春秋直其事。而是非彰。詩之志。春秋之義一也。故曰。  
不學詩。無以言。詩可以興。可以觀。可以羣。可以怨。通  
之事父遠之事君。嗚呼。春秋之義備矣。魯升而爲頌。  
王降而爲風。文武衰而思周公。舍魯吾何適矣。夏商  
亡有祀宋。存其或繼周者。魯不亦爲祀宋乎。故以魯

頌與商周并存也。或曰：爲魯風不亦可乎？曰：頌不可以爲風。歌於廟，與歌於邦國不可同日語。春秋諸國無風，微獨魯。八方雖殊，而接壤可旁通。國大無風者，魯與宋與楚。魯無風，而南山諸詩可以觀魯。春秋盡魯也。宋無風，而河廣可以觀宋。商頌亦宋也。楚無風，而江漢汝墳可以觀楚。南國盡楚也。以十五國槩方內，大畧可觀矣。或曰：春秋傳吳孔觀魯樂，無魯風。非聖人刪之。夫左氏非眞丘明也。季孔觀樂後，人因緣三百篇脩辭耳，不足以徵詩。豈魯文獻之邦，而無詩可采？不如邱鄘齊鄭乎？聖人刪其風，存其頌，其志可

知故宋嚴粲氏曰魯頌之變也得之矣

駉

肩

牡馬

叶

在坰之野

叶

薄言駉者

叶

有驥

叶

有皇

有驥

華

有黃

叶

以車彭彭

叶

思無疆

叶

思馬斯臧

叶

○駉

牡

叶

在坰之野

叶

薄言駉者

叶

有驥

叶

有駢

叶

以車繹繹

思

被

思無期

叶

思馬思才

叶

○駉

肩

牡馬在坰之野

叶

薄言駉者

言

因

駉者

駢

有駢

洛

有駢

西

有駢

洛

以車繹繹

思

徐

思馬思作

叶

○駉

肩

牡馬在坰之野

叶

薄言駉者

叶

有駢

因

胡

有駢

叶

有魚

莘

以車祛祛

國

思無邪

叶

思

馬

斯

祖

直

古序曰駉領僖公也毛公曰僖公能遵伯禽之法儉

以足用。寬以愛民。務農重穀。牧于坰野。魯人尊之於  
是季。孫行父請命于周。而史克作是頌。○按王者治  
定功成。作樂告廟。則有頌禮曰。雖有其位。苟無其德。  
不敢作禮樂焉。雖有其德。苟無其位。亦不敢作禮樂  
焉。魯以諸侯作樂。頌功德。非禮也。僖公國富好侈。季  
孫行父爲之從臾。非三思者所爲。故夫子譏曰。再斯  
可矣。又讀此詩歎曰。一言以蔽之。恩無邪。聖人之意  
可知。毛公之說。釋魯人所以頌僖公之事。非謂僖公  
可頌也。然則序不言樂歌何也。凡頌皆樂歌。不復舉  
而但各本其所頌之事。始武樂之桓。酌賚殷成王之

閔小子訪落諸什皆然若謂生前美僖公則行父當成公朝僖公薨久矣臣子尋常美君何必請於天子請天子而後頌知頌非天子不敢作也成公六年魯立武宮倣九廟爲世室魯頌卽作於此時將推僖廟爲文世室故詩存魯頌猶春秋書立武宮皆誌僭出不然東遷而後無雅又焉得有頌乎○一韋駒駒然腹幹肥張之牡馬在遠野之坰不妨民田而牧養有方非務農重穀者慮及此乎畧數駒者有驪色白跨之驪有黃白之皇有純黑之驥有黃驛之黃用以駕車彭彭壯盛我公思慮廣大無疆恩及於馬牧之盡道

所以善也

○二

章

駒駒牡馬在坰之野畧言其駒有蒼

白雜毛之駢有黃白雜毛之駢有赤黃之駢有青黑

之駢以此駕車伾伾有力由我公思慮久遠無期思

及於馬牧之有方所以多材力也

○三

章

駒駒牡馬在

坰之野畧言駒者有青驪驪之駢有白身黑鬚之路

有赤身黑鬚之駢有黑身白鬚之駢以此駕車繹繹

不絕由我公思慮無倦思及於馬牧之有方所以強

立能作也

○四

章

駒駒牡馬在坰之野畧言駒者有陰

白雜毛之駢有形白雜毛之駢有許多白毫之駢有

二目白之魚以之駕車祛祛然強勁由我公思慮正

直無邪思及於馬善行地而徂也○駟駟腹幹肥張貌  
坰林外也邑外曰郊郊外曰野野外曰林林外曰  
坰牧于坰恐妨民田舍地遠水草美也薄言聊數也  
騏今驥馬也伾伾有力也驛青黑二色深淺相間斑  
剥如魚鱗今連錢驥也驛驛行不斷也作奮起也陰  
白雜毛曰駢陰淺黑色毫在骭骭曰驛骭膝下有毛  
曰而長也祛祛強貌徂行也

駟四章章八句

有駢必有駢駢彼乘去聲黃夙夜在公附叶在公明明叶振  
振鶩鶩于下叶鼓咽咽淵醉言舞于胥梁洛今○有駢

有駟駟彼乘牡夙夜在公在公飲酒振振鷺鷺于飛或  
咽咽醉言歸于胥樂兮○有駿有駟駟彼乘駒玄去聲夙  
夜在公在公載燕自今以始歲其有以叫君子有穀詒孫  
子于胥樂兮

古序曰有駟頌僖公君臣之有道也○此亦僖廟之  
樂歌序言作者之志而諷刺隱然若曰作頌者自謂  
君臣有道云爾此篇大類風體跌宕姚佚無復清廟  
肅雞之意春秋以來新聲也○一章有駿然肥壯者一  
乘四馬皆黃也夫馬牧之有方則力強而致遠夫臣  
養之盡禮則託重而恃力今諸臣與燕自夙而夜在

於公所明明然無昏亂失禮者其脩潔整齊振振如  
鷺羣飛而下也擊鼓節樂咽咽然深長既醉起舞若  
臣相悅何其樂哉○二章駁然肥强者四馬皆壯也臣  
亦君所託以乘也夙夜在公飲酒而退威儀脩整振  
振然如鷺之羣起而飛也鼓聲咽咽醉然後歸若臣  
何其相樂哉○三章駁然肥壯者四馬皆駉也諸臣夙  
夜在公燕飲今固善且有矣自今以始豐年相仍公  
有善道詒孫子世爲善國君臣相與豈不樂哉○駁  
馬肥強貌重言有駁非一馬也乘黃四馬皆黃也公  
公所也明明辨治也振振羣飛貌鷺白鳥下集也咽

咽鼓聲深長也胥相也青驥曰駢今鑽駢也穀善也

○有馳三章章九句

思樂

浴

泮水薄采其茆

勤

魯侯戾止言觀其旂

勤

其旂

茂茂

茆

鶩聲歲歲

陳

無小無大從公于邁

勤

○思樂

泮水薄采其藻

勤

魯侯戾止其馬蹠蹠

矯

其馬蹠蹠其音

昭昭

沿

載色載笑匪怒伊教

○思樂

泮水薄采其茆

茆

魯侯戾止在泮飲酒既飲旨酒

永

錫難老

魯

順彼長

道

斗

屈此羣醜

○穆

魯侯敬明其德敬慎威儀維民

之則允文允武昭假烈祖靡有不孝

自

求伊祜

○明

明魯侯克明其德既作泮宮淮夷攸服

北

矯矯虎臣在

泮獻馘

號

淑問如臯陶

叶

在泮獻囚

○濟濟

泮

多士克

廣德心桓桓于征狄彼東南

叶林

烝烝皇皇不吳

譖

不揚

不告于訥在泮獻功

○角弓其觨束矢其搜

索叶

戎車孔

博徒御無斁

○既克淮夷孔淑不逆

糾叶

式固爾猶淮夷

卒獲

叶卦

○翩彼飛鴟

集叶

于泮林食我桑

野叶

懷我好

音慄

叶歌

彼淮夷來獻其琛

真元叶

象齒大駱南金

古序曰泮水頌僖公能脩泮宮也

○僖公嘗脩葺學

宮史克頌其事以爲樂歌夫國君脩學非甚殊勲也

古序言能者寓春秋之義天子學宮四面壅水環如

璧曰璧廡諸侯三面有水北缺始半璧曰泮宮芹藻

茆皆水菜芹勤也藻文也茆畱也首言學故曰勤次  
言教故曰文三言飲酒故曰畱以下因脩文而願以  
武功禮出師受成于學反釋奠于學以訊馘告魯外  
患莫如淮夷故以服淮夷爲頌其辭虛誇聖人存之  
亦誰毀之意也○一章樂哉泮水有芹生焉薄采其芹  
我侯臨泮其旂旂旂飛揚鸞聲噭噭和鳴國人無劬  
無長皆從公往以觀其講學行禮也○二章樂哉泮水  
有藻生焉薄采其藻我侯至止其馬蹻蹻強壯其言  
昭昭宣朗載色而和載笑而樂不慍怒而寬柔以教  
也○三章樂哉泮水有茆生焉薄采其茆我侯至止在

泮飲酒頤養天和，永錫難老順彼長遠。經久之道屈服，魯國之衆人也。

○四章 穆穆敬美之魯侯能敬明其

德又敬慎威儀，內外交脩民所取法信哉！有文有武，昭格烈祖。無有一事不克孝者，以此得福是自求也。

○五章 我侯有明明之德而能益明其德服遠有本矣

又作泮宮。闡揚文教，淮夷感化攸然。帖服有躋躋然如虎之臣於此，獻所識之耳。有善問如臯陶之臣於此，獻所執之囚。○六章 軒克敵以武濟濟，諸臣能大其德心視人猶已。此立功之本也。桓桓武勇往征，以攘遏東南之夷。有烝烝之勇，皇皇之度。不誼譁不誇揚，無

爭功不平告于訟者在此泮宮各獻其功也○軻制  
敵貴謀角弓然堅勁士卒各負束矢搜然急疾戎  
車甚廣徒御競勸可以克淮夷保甚善無凶敗矣然  
不恃此耳式審固謀猶爲父安計則淮夷終獲永爲  
不侵不叛之臣矣○軻翩然飛者惡聲之鴉鳥來集  
泮林食我桑實變而就好音淮夷向化亦猶此也彼  
憬然覺悟之後來獻琛寶有大龜有象齒又廣賂我  
南土之金非懷我侯文德而然乎○恩語醉殺殺猶  
旆旆飛揚貌難老不易老也長道大謀也羣醜衆民  
也屈服也馘割耳也敵人不服者殺之割左耳爲信

以獻也因已降服之虜古者出師受成於學反則釋  
奠於學以訊馘告故詩因脩學及此非實然也多士  
諸將士也狃逃遁遠遏之也吳譁通大言也訛訟也  
觝勁貌一弓百矢或五十矢爲一束士卒臨敵各負  
弓矢也搜矢疾聲淑吉也逆凶也猶謀也卒獲永服  
也鵠怪鵠雖桑貫通作葚慄耿通覺悟意琛寶也元  
龜大龜龜盈尺以上爲寶賂貽也南金荆揚之金荆  
揚貢金三品淮夷徐州貢蠔珠魚不以職貢者貴難  
得也

泮水八章章八句

閟

祀

宮有攸

血

寶實枚枚赫赫姜嫄其德不回上帝是

依

陽

無災無害

彌月不遲

叶推

是生后稷降之百福

叶必

黍

稷重

童

穆

叶六

律

稙

職

穉菽麥

密

奄有下國

叶亦

俾民稼穡

久叶

有稷

有黍

有稻

有秬

舉

奄有下土

纘禹之緒

叶

后稷

秦

王居岐之陽

叶

實始翦商

叶

至于文武

纘

大

叶

王之緒

叶上

致天之届

叶于

牧之野

叶汝

無貳無虞

叶上

上帝臨女

汝敦

堆

商之旅

克咸厥功

叶股

○王曰叔父建爾元子

俾

于魯

大啓爾宇爲周室輔

乃命魯公俾侯于東

錫之

山川土田附庸

叶周公

之孫莊公之子龍旂承祀

叶六轡

耳耳春秋匪解

叶

享祀不忒皇皇后帝

叶

皇祖后稷享以

驛犧是饗是宜降福旣多

通作紙

周公皇祖

上章

亦其福

女汝秋而載嘗夏而福衡叶白牡驛剛犧尊叶將弟毛

魚哉

恭羹

同

蓬豆大房萬舞洋洋孝孫有慶叶俾爾犧

室而昌俾爾壽而城保彼東方魯邦是常不虧不崩叶朋

不震不騰

叶三壽作朋

叶始岡如陵良

公車千乘朱

英綠縢二矛重弓叶公徒三萬貝胄朱綺傳公徒增增

戎狄是膺荆舒是懲則莫我敢承俾爾昌而犧室俾爾

壽而富叶黃髮台背壽胥興試俾爾昌而大叶俾爾耆

而艾愛萬有千歲眉壽無有害叶泰山巖巖言魯邦所

瞻奄有龜蒙遠荒大東至于海邦叶平聲淮夷來同莫不

率從魯侯之功○保有鳬繹叶遂荒徐宅叶至于海邦叶  
淮夷蠻貊莫叶及彼南夷莫不率從叶歸歸叶莫敢不誥詥叶洛魯侯  
是若○天錫公純嘏古叶眉壽保魯居常與許復周公之  
宇魯侯燕喜令妻壽母宜大夫庶士叶邦國是有叶既  
多受祉黃髮兒齒○徂來之松新甫之柏叶是斷短叶是  
度指叶是尋是尺傳叶松桷有鳥叶路寢孔碩新廟奕奕約叶  
奚斯所作孔曼萬叶且碩萬民是若

古序曰閔宮頌僖公能復周公之宇也○魯頌皆爲  
僖公前三篇頌生平功德此一篇新其廟宇將以爲  
世室配武宮告成功也故首舉廟宮末歸於脩廟序

云復周公之宇者詩之志也詩遠引后稷開周大王遷岐成王建魯下及僖公伐楚復常許奄有海邦淮夷蠻貊志在土宇也故取詩辭居常與許復周公之宇爲目夫常許失矣魯何能復也僖公有駟馬之富有樂胥之臣有在泮之功侈郊禘三望之僭願大而力小遠思蠻貊而近失常許故序卽辭表志而作者之誤自見亦春秋之義也或以是詩爲美僖公脩姜嫄廟夫魯不聞有姜嫄廟詩言姜嫄者誇魯之自出明郊祀后稷之故耳始僖公存目脩祖廟是時行父之父季友爲政則頌不待行父請作矣行父當成公

時脩僖廟故篇末云新廟奕奕奚斯所作重葺曰新  
創始曰作奚斯僖公時大夫公子魚也成公朝死久  
矣追敍始作以見今之更新久而不忘耳若姜嫄廟  
豈待奚斯始作邪○一章深閟之宮儻然清靜盤基寶  
寶然鞏固結架校校然茂密是祀我僖公之廟也上  
世從來遠矣赫赫然顯著之姜嫄貞淑不回感武敏  
之祥上帝依憑其身使無災害彌十月而生子是爲  
后稷天降百福賜以嘉種有黍有稷晚者爲穉教民有功受封  
爲穆有菽有麥早者爲稙晚者爲穉教民有功受封  
于邰而奄有下國使阻飢之民皆知稼穡稷黍稻秬

徧及下土蒸民乃粒繼神禹平成之緒也○乾后稷

之孫實維太王自幽遷于岐山之南周之革商實始

於此及文武之世紂惡盈而周道昌天時已至乃奉

天之命于牧野無疑無慮上帝臨祝天心順也治商

之師三千同心共成厥功人心應也所以有天下也

○三天下既定大封同姓周公于魯成王告周公曰

叔父留相王室立爾長子大開土宇蕃屏周室乃策

命魯公于東賜以山川土田及附庸之邑魯所以有

國也及周公之孫父莊公而爲子者我僖公也始興

郊廟之祀建龍旛于車四馬六轡耳耳柔順春禘秋

嘗不懈於時郊天廟祖不忒於禮春而郊祀天帝配  
以后稷享以駢犧帝稷安享降福于郊周公皇祖伯  
禽以下亦福汝于廟秋嘗則夏養牲橫木牛角以止  
其觸三月而後用之白色之牡以祀周公用殷之王  
禮也骍色之剛以祭魯公遵時王之制也酒有牛形  
之尊將將端正饌有去毛而急之豚有切肉之戢有  
肉汁之羹有籩以盛果核有豆以盛菹醢有大房以  
載牲體樂奏萬舞洋洋充盛祖考格而孝孫有慶使  
爾熾盛而昌大使爾壽考而臧善保安東土常有魯  
國不虧缺不崩頽不震動不騰踴有壽考之三卿爲

朋夾輔社稷固如岡陵此我僖公上承祖考而恢弘  
典禮者也○韋公之兵車大國千乘之賦也每車中

三人右人持矛飾以朱英左人持弓膝以綠繩矛必

載二弓必用重備折壞也計公之徒凡三萬人節胄

以貝綴甲以朱綬蒸進其徒增增然多也西戎北狄

以此當之荆與舒叛以此懲之無敢有承敵我者使

爾昌大熾盛使爾壽考富足有黃髮鮑背老成人相

爲試用使爾昌盛廣大使爾耆老蒼艾萬年千歲眉

秀而壽無有患害也○五泰山巖巖高大雖非封內

我魯邦所瞻望而祀也奄有境內之龜蒙二山遂荒

治極東至溟海之邦如淮夷舊爲魯患今亦來同莫  
不相率順從皆魯侯之功也○韋保有境內鳬繹二  
山遠盡徐州之上荒治爲它近海之邦若淮夷若南  
蠻若北貊及彼炎荒極南之夷莫不率從莫敢不應  
命唯魯侯是順而已○韋天賜公全福眉壽以享魯  
國昔齊人侵我常鄭人侵我許公居常與許恢復周  
公之土宇燕飲喜樂家有令善之妻壽考之母朝廷  
有大夫庶士撫有邦國旣受多福而又壽命堅固髮  
白復黃齒落更生以永此福也○韋我公功高德盛  
廟祀百世不遷禮也今者脩其寢廟取松于徂來取

柏于新甫。斬斷之量度之。長者八尺而尋。短者十寸而尺。用松爲桷。禹然層架。正寢。規模甚大。廟貌重新。奕奕然盛美也。此廟經始乃先大夫奚斯公子魚所作。人心思慕久而愈深。今棟宇更新。甚長曼而碩大。萬民瞻仰無不順悅也。○閟深閑也。宮傳公廟也。恤清靜也。寶寶鞏固也。孜孜翼密也。上帝是依。履帝武敏也。彌月終十月也。重一作種。穆一作稑。先種後熟曰重。後種先熟曰穆。先種先熟曰穜。後種後熟曰稑。皆五穀生熟早晚之通稱。有下圃受封邑于邵也。有下土粒食徧天下也。繼禹緒繼治水之功也。岐之陽。

岐山南也。山南曰陽。翦革命也。届至也。猶屆期之屆。  
致猶奉也。敦猶敦琢之敦治也。克咸厥功將士同心。  
協力也。王成王叔父呼周公也。元子魯公伯禽也。周  
公畱相王室。伯禽歸魯也。啓開也。宇居也。周公孫莊  
公子卽僖公。魯用郊自僖公始也。龍旂諸侯之旂。日  
月爲常。天子建之。交龍爲旂。諸侯建之。皆于車上也。  
耳目柔從也。春秋春禘秋嘗也。禮郊廟之祭。春秋有  
常期。不忒不差也。后帝天帝也。辟赤色。周所尚也。犧  
祭牲也。色純曰犧。宜安也。周公皇祖。謂太祖周公。及  
伯禽以下諸祖也。秋祭曰嘗。福衡以木橫制牛角。止

其觸也周禮封人之職凡祭祀牛牲設其福衡白牡  
祀周公用殷王禮以殊于諸侯也郊特牲曰諸侯宮  
縣而祭以白牡諸侯之僭禮卽指此辟剛魯公以下  
之牲色從昭代也剛猶牡也犧也犧特同獸父曰犧  
包炮同毛包炮之而去其毛也周禮封人祭祀有毛  
包之豚哉切肉也羹肉有汁者和之曰鉶羹盛以鉶  
鼎不和曰大羹盛以瓦豆也大房大俎以盛牲體足  
下如房千乘大國之賦孟子云公侯地方百里開方  
中得千里古者因地名賦以里計車故謂方百里者  
爲千乘極言其多耳非實有此數也徒步卒也大國

三軍軍萬二千五百人。三軍爲三萬七千五百人。言  
三萬者大約也。朱英以飾矛也。綠繩縢束弓也。貝  
胄以貝飾兜鍪也。朱綬紅線也。增增衆也。西曰戎。北  
曰狄。荆楚也。舒荆屬國。黃髮老人。髮白復黃也。台作  
駘。莊子有哀駘駘老人。狗僂之狀。胥相也。試用也。萬  
有千歲。猶言千萬歲。泰山在齊境。詹瞻同望也。詣侯  
望不越境。魯望泰山。自僖公始。春秋書郊三望譏也。  
奄有全覆有也。龜蒙二山名。荒治也。大東極東也。海  
邦海島諸國也。鳧驛二山名。魯地在徐州之域。荒徐  
宅。謂盡徐州之土。治爲居宅也。南曰蠻。北曰貊。南夷。

今閩粵交趾等地常作嘗近薛魯地之見使于齊者  
也許魯朝宿東都之邑見侵于鄭者也令妻僖公夫  
人聲姜也壽母母夫人成風也徂來新甫二山名八  
尺曰尋桷椽也鳥鵲同鵲善架巢故爲椽桷之象路  
寢廟後正寢以藏死者衣冠路大也人君所居曰路  
與小寢異新廟新其舊廟也猶春秋新延寢之新奚  
斯公子魚魯同姓大夫作創造也

閔宮八章二章章十七句一章十二句一章三十八  
句二章章八句二章章十句(一)據朱子改訂爲九章  
因首章十七句爲例以至曰叔父下五句屬上章合

十七句爲二章。以乃命魯公至周公皇祖亦其福也。亦十七句爲第三章。秋而載嘗。至如岡如陵。十六句爲第四章。少一句。謂有脫漏。今按詩章法原不拘長短。但當察其文義語脉。舊本王曰叔父以下三十八句。詳陳魯開國與郊廟祭祀之盛。故爲一章。公車千乘以下。則頌武功。恢復土宇。分爲四章。意重復土宇也。今從舊。

毛詩

頌終

毛詩原解

卷十五

十六

毛詩原解卷三十六

郝敬習

商頌

初契爲堯司徒賜姓子氏封于商卽今陝西西安府商州十四傳八遷都至湯徙居毫或云卽今河南府偃師縣十九傳又五遷都河北至盤庚復湯故地帝乙又徙居河北都朝照歌卽今河南衛輝府周武王誅紂以朝歌封其子武庚成王誅武庚以微子爲殷後封宋卽今河南歸德府商丘縣使脩其禮樂奉其先祀宋衰舊典散佚七傳至戴公當周宣王時宋大

夫正考甫者孔子七世上祖也得商頌十二篇于周太師歸祀其先王及孔子刪詩時存五篇耳夫祀宋無徵夫子傷之嘗曰丘殷人也聖人每事不忘先而況禮樂乎故詩以商頌終蓋詩至魯頌而誇誕僭踰極矣存商頌志從先進樂其所自生也

猗

依與余那羅

與置我鼙鼓奏鼓簡簡衍

君夫聲

我烈祖

湯孫奏偃綏我思成鼙鼓淵淵叶鼙管聲旣和且平  
依我磬聲於烏赫湯孫穆穆厥聲庸鼓有數萬舞有奕  
我有嘉客亦不夷憚自古在昔先民有作溫恭朝夕執  
事有恪顧予蒸嘗湯孫之將

古序曰那祀成湯也毛公曰微子至于戴公其間禮樂廢壞有正考父者得商頌十二篇於周之太師以那爲首○此詩多言樂何也郊特牲云殷人尚聲臭味未成滌蕩其聲樂三闋缺然後出迎牲聲音之號所以詔告於天地之間卽此意也○一章猗與那然樂器之多也鼙與鼓先衆樂設置奏樂擊鼓簡然衆音大作時臭味未成滌蕩其聲樂我烈祖及其迎牲裸獻湯孫奏樂感假以安我思成如在之靈鼙鼓淵淵深遠管聲嗟嗟清亮調和均平依我磬聲磬聲諧八音皆諧矣烈祖雖遠聲音之號詔告於天地之間

於赫哉湯孫穆穆美聲思成所以綏也及乎九獻既終鏞鼓斂然交作萬舞奕然并陳助祭嘉客聞樂觀舞無不平夷悅懌者蓋尊祖敬宗有廟來假古今通誼古昔亦有助祭爲客者亦有曾孫爲主者行禮奏樂寧自今日今者溫恭朝夕執事匪懈人心合敬無異古昔烈祖感格尚顧予烝嘗哉此奉祭非他人湯之孫也一氣潛通有不居歆乎○猗與歎美辭那多也鼙有柄小鼓鼓大鼓凡樂先播鼙擊鼓故首置焉簡簡和而大也烈祖功烈之祖指湯也湯孫主祭時王之通稱綏妥神也思成思念祖考成就也記云齊

之日思其居處思其笑語之類成猶如在也磬玉磬也玉磬在堂上鼙鼓管在堂下故曰依記曰磬以立辨辨故難諧磬聲諧則八音皆諧矣書曰擊石拊石百獸率舞此也庸鏞通大鐘也嘉客先伐後及諸侯來助祭者皆是也先民有作作禮樂也蓋因先代之後諷勸之與

那一章二十二句

嗟嗟烈祖有秩斯祐叶申錫無疆及爾斯所旣載清酤叶叔賚我思成叶常亦有和羹叶旣戒旣平叶旁鬷宗假若無言叶時靡有爭叶減綏我眉壽黃耇無疆約軼叶其錯衡叶

八鸞鶴鵠

捨

以假以享

叶

我受命溥將自天降康豐年

穰穰

如

來假來饗

叶

降福無疆顧予烝嘗

湯孫之將

古序曰烈祖祀中宗也○成湯至于大戊七世矣商

道寢衰大戊脩德中興遂號中宗禮祖有功而宗有

德故殷祖成湯宗大戊武丁此祀大戊之樂歌也朱

子以詩稱湯孫改爲祀成湯今按詩云及爾斯所言

自湯及大戊也云諸侯來假受命溥將言天命人心

表中興之功也亦猶玄鳥頌人心土宇正祀二宗之

詩若那祀成湯無庸及此矣湯孫凡後王主祭者皆

得稱之豈必祀湯始稱湯孫乎前篇言樂此篇言味

祖遠難格故衍之以聲宗近易感故侑之以食不得謂二詩無辨也○一章嗟我烈祖成湯華夏受命有秩

然常久之福引申敷錫于無疆延及爾中宗之所世經七葉再造天下與烈祖重光也今日之祀清酒方載神靈來格所思成就若或賚之禮以羹熟爲節和羹旣備旣調乃總衆行禮合敬感格人雖衆而肅靜靡有譖謹神其居歆安我以眉壽黃耇之福也饌假莫大乎諸侯車以皮束其轂畫文于衡四馬八鷙和鳴來假奉享我受天命旣廣大矣天降豐年使諸侯之來奉其黍稷以饗其降福寧有疆界乎今日之祭

皆中興之賜尚其顧我蒸嘗乎此祭非他人湯孫所奉也○烈祖湯也秩常也祐福也申重也兩中宗也斯所猶言此處酷酒也和羹鉶羹也戒備也平和也凡行禮以羹定爲節載清酤戒和羹祭之始也嚴衆也假格通至也無言寂靜也靡爭嚴肅也康和也穰多也

烈祖一章二十二句

天命玄鳥降而生商宅殷土茫茫古帝命武湯正域彼四方方命厥后奄有九有以商之先后受命不殆在武丁孫子武丁孫子武王靡不勝升龍旂十乘大旛

是承邦畿新千里維民所止肇域彼四海叶四海來假變  
果來假叶祁祁景冒維河叶殷受命咸宜百祿是何火

古序曰玄鳥祀高宗也○按中宗十三傳至武丁而

商業又寢衰武丁恭默思道乃復中興號稱高宗頌

高宗而推本祖德正所以表中興也○

章一

天命玄鳥

降祥生契肇封于商是我商人之始也宅居殷土芒  
然廣大古昔上帝命威武之成湯從其祖居以正治  
四方之封域湯既受正方之命而列后率附遂奄有  
九州此商先后所以受命也數十傳之久經衰亂而  
不危殆者在我武丁爲之孫子繼序重光耳武丁之

爲孫子也。秉威武之德，爲天下王，無所不勝。故諸侯皆建龍旂十乘，載黍稷，爲大藉，以供王祭。當是時，畿內地方千里，皆民所居止，而肇開封域，極彼四海，無異正域之初也。故今日之祭，四海來假，祁祁衆多。如影之員附，由大河達王都，朝宗之衆亦無異方命之日，殷受天命。自湯至今，咸宜百福負荷，豈非中興所遺乎？○玄鳥燕雀也，降猶至也。古天子以春分玄鳥至日，祀高禖，祈子。取玄鳥以乳子至也。高辛帝嚮之妃簡狄祀之而生契，遂以子爲姓，是商人始祖也。帝嚮都殷契，始封商十四傳，至湯獲從祖居毫，或云卽

今河南府偃師縣是也。芒芒草昧貌。正域正治封域也。四方謂之域。中方命卽正域。四方之命厥后諸侯也。蓋覆也。九有九州也。先后指湯殆危也。武丁孫子武丁爲湯孫子也。武王有武德爲王也。勝任也。十乘載糲多也。糲食也。卽黍稷也。來假來助祭也。祁祁衆多也。景影同猶汎汎其景之景員附也。猶員于爾幅之員。景員猶言影從。諸侯順附也。河黃河道由黃河也。何荷通。

玄鳥一章二十二句

濬浚哲維商長發其祥。洪水茫茫禹敷下土方。句外大

國是疆幅員貢既長有城松方將帝立子生商○玄王  
桓撥泊受小國是達猶受大國是達率履不越遂視既  
發相土烈烈海外有截○帝命不違至于湯齊湯降不  
遲聖敬日躋賈昭假遲遲上帝是祇支帝命式于九閈  
○受小球大球爲下國繖旒何賀天之休不競不絯不  
剛不柔敷政優優百祿是適○受小共大共拱爲下國  
駿厖叶何天之龍寵敷奏其勇不震不動叶不懼振不  
竦百祿是總○武王載旆叶有虔秉鉞如火烈烈則莫  
我敢曷過苞有三蘖莫遂莫達九有有截韋顧旣伐昆  
吾夏桀○昔在中葉有震且業允也天子降于卿士叶

實、羅阿衡叶批、實左鞋右商王

古序曰長發大禘也○朱子謂當爲祫祭之詩按大  
禘卽祫也故雖周禘也并頌烈考文母此商禘也并  
頌玄王相土成湯及卿士蓋追祀遠祖則子孫咸集  
所以首四時爲重祭也時祭合享或不止禘而據雖  
與此詩則禘非特祭甚明然此稱大禘雖稱禘何也  
雖序云大祖其爲大禘亦可知也○一章維商有滌滌

明哲之德興王之祥發見矣自昔洪水茫茫禹分  
布下土區畫四方外而諸侯大國各正疆境其邊幅  
周限長遠內有娀國方大高辛帝立其女子爲妃生

我太祖玄王是我商人之自出也○二章

三

我玄王生而

桓武撥治。堯命爲司徒。受小大之國。五教敬敷。無不

通達。身所循行。無有差越。民遂視倣而興起矣。迨玄

王之孫。相土尤烈烈然。威名播于海外。截然其整肅

也○三章

玄王以來。天命在商。不去至湯。天人會合。應

期降生。有聖人之敬。而日益進升。昭格于天。遲遲永

久。惟上帝是承。故帝命爲王。以式法于九州也○四章

湯受小國。大國之贊。玉爲諸侯所附屬。如旒旒之綴

于繆。固結不解也。人心所屬。卽是天休。湯能不爭競

不急躁。不剛猛。不柔弱。布政優優和平。是以百福適

聚爾

○五章

受小國大國供奉爲諸侯所乘載如駿驍

之馬負荷重遠人心所奉卽是天寵湯能陳進其勇  
不震驚不搖動不懲恐不竦懼毅然以天下自任百  
祥所以總歸爾○軌湯以威武爲王載旗秉鉞恭行  
天討如火烈烈莫敢止過桀以三國爲黨如一本三  
蘖不得順遂通達十一征而九州截然歸一伐革伐  
顧伐昆吾乃伐夏桀也○七昔湯未伐夏中葉遭桀  
之虐震懼而且危業信哉湯爲天之子天降卿士爲  
阿衡庶政倚平左右湯以王于天下今日之祭所以  
配饗也○濬沈潛也哲精明也長久也發祥萌光也

荒大也。頌契述禹者，契禹同事堯紀時也。敷下土方，謂平治水土分別四方。猶書序云：帝釐下土方也。外謂五服外綰王畿居中也。大國諸侯之國也。疆邊界也。幅邊也。限周也。長遠也有城國名。簡狄母家也。帝高辛帝也。子卽簡狄也。高辛帝立簡狄爲妃。生契是契所自出之帝。禘于契之廟者也。玄王玄遠之王。指契也。司徒曰：王追稱也。桓武也。撥治也。達通也。視微也。發興起也。相土契孫也不違不去也。齊會集也。湯降不遲。湯生及時也。聖敬日躋。猶敬止緝熙也。躋升也。遲遲久也。祇敬也。九圍九州也。式九圍爲君師也。

璫玉也諸侯以玉爲瑞卽命圭也綴旒也旒旗之垂者或九或七綴于繅上垂者爲旒所著爲繅綵結也或云緩也適聚也共供通下貢上也駿厖馬也或云駿大也厖厚也惟正之供不過取以大厚下也龍寵也懇恐也竦懼也武王卽湯也處恭也鐵大斧曷過通止也或云誰何也苞本也蘖旁生萌也革豕韋彭姓顧與昆吾皆已姓夏諸侯之助桀爲惡者卽三蘖也桀世也中桀湯爲諸侯時也湯年八十有七始代夏爲天子震懼也桀危也指夏臺之難天子指湯卿士伊尹也阿衡伊尹官號如太公之號尚父也阿倚

也衡平也倚以爲平也古字阿倚通

長發七章一章八句四章章七句一章九句一章六

句

捷彼殷武奮伐荆楚采迷入其阻裒<sub>杯</sub>荆之旅有截其所

所湯孫之緒

聲上

○維女

汝

荆楚居國南鄉昔有成湯自

彼氏

氐

羌莫敢不來享莫敢不來王曰商是常○天命

多辟

必

設都于禹之績歲事來辟勿予禍適<sub>音</sub>稼穡匪

解歌叶

○天命降監<sub>叶</sub>下民有嚴不僭不濫不敢怠遑<sub>叶</sub>

命于下國封建厥福

叶

○商邑翼翼四方之極赫赫厥

聲濯濯厥靈壽考寧以保我後生○陟彼景山松柏

允允是斷<sub>短叶</sub>是遷方斬是虔<sub>叶</sub>松桷有梴<sub>岸</sub>旅楹有闕  
寢成孔安

古序曰殷武祀高宗也○此高宗崩三年喪畢祔主於廟之樂歌頌中興之功而歸於作廟所謂百世不遷之廟也若玄鳥時祭之歌耳然什先玄鳥而後殷武何也重服楚以終頌也三代以前王都多在西北楚地據東南半天下王者南面出治失楚則如面牆故曰維女荆楚居國南鄉言至近而要也天下有道則首善焉文王之二南是也無道則首叛焉商周之中業是也繼世之王有能中興者則天下視此爲向

背焉高宗之殷武周宣之采芑是也孟子云廣土衆  
民君子欲之明王不作楚未易撫也有王者起必在  
東南是以仲尼不遇于齊魯將遠適荆先之以子夏  
申之以冉求徘徊陳蔡之間者垂十年其意常在楚  
耳及于西見阻昭王不祿然後反魯刪詩脩春秋二  
經聖人心思隱微所寄也春秋重與楚玉以楚本易  
王也詩十二國不列楚風以楚非一國也天運自北  
而南故風始南音頌終歌楚欲有爲而不得爲聖人  
未竟之志可思也天下雖安忘戰則危故周公作立  
政曰克詣戎兵以陟禹之迹王者先內後外先德後

功始二南而終殷武文武內外之辨也○一章

捷然敏

疾者殷王之武奮伐荆楚深入險阻裒聚其衆王師所臨截然帖服此湯之孫所以中興承先王之緒業

也○二章

楚旣服矣戒之曰爾居王國南鄉非遠也昔

在湯世自彼氐羌之遠莫敢不來獻享莫敢不來朝見謂此乃商之常禮耳況汝荆楚何敢不至乎○三章

荆楚旣平諸侯畏服天命衆君建國于禹功九州內者咸以歲時朝覲之事來見辟王求免禍謫皆曰田野不治則有讓予之稼穡亦匪懈矣庶免禍謫乎其相畏服如此○四章高宗中興非徒恃武功耳天命降

視在於民心故下民可畏賞不僭差刑不淫濫敬天畏民不敢怠違故天命于下國封殖其福使夷夏率附也○五  
章畿內之治翼翼整飭爲四方取極赫然聲

譽顯盛濯然靈爽精明中興之業偉矣又其享國長

久壽考康寧以能保安我後人也○六  
乾功大者廟祀

不毀今者作廟升彼高山松柏丸丸圓直斷之于山遷之于肆齊等斲削積之使乾以松爲桷挺然而長楹楹閑然均稱廟寢旣成高宗之神甚安妥矣○捷疾貌所謂兵貴神速也殷武殷王之武采深也阻險也襄聚也湯孫卽高宗氏羌西極遠夷也多辟列侯

也禹續分畫九州禹之功也來辟來王也適謫通責  
讓也降監下視也嚴畏也僭賞差也濫刑過也高宗  
享國四十有九年故曰壽考後生後嗣也景高大也  
允允木調直貌虔乾遲積材使乾也古虔音與干近  
凡斬伐曰虔劉挺長也楹柱也閑穩稱也此與魯頌  
新廟異魯更新此始作也

殷武六章三章章六句二章章七句一章五句

毛詩原解卷三十六商頌終

毛詩乃角

第三十四

三

時萬曆丙辰季春吉